

Rozáriu ho S. José

MISTÉRIU GLÓRIA NIAN

1. Ita kontempla S. José ne'ebé fó naran ba Jezús atu halo nia sai David nia bei-oan.

“José halo tuir buat ne'ebé Na'i nia anju haruka hodi simu nia kaben. Maski José la dauk hamutuk ho nia, Maria tur ahi oan mane ida, ne'ebé nia hanaran Jezús” (Mt 1, 24-25).

- **Ita harohan ba Aman Maromak**, hun moris virtude nian no moris santu José nian, no ita dehan ba Nia nu'udar kandidata/u sira ba moris rohan laek iha ninia Reinu: **Ami Aman...**
- **Ita harohan ba**, espoza haksolok ba espozu ida fiél ba Na'i hanesan José, atu família sira, liuhusi S. José nia protesaun, hdoók husi ameasa sira ne'ebé hasoru família umana (Redemptoris Custos n. 31): **Ave Maria 10...**
- **Ita fó glória ba Maromak Trindade**, ne'ebé hakonu José nia fuan ho ninia domin rasik (kf 19), no ita dehan ho gratidaun: **Glória ba Padre...**

2. Ita kontempla S. José ne'ebé partisipa iha Kosok-Oan nia glória bainhira haree liurai sira husi Loro-Sa'e adora Nia.

“Iha tempu liurai Herodes nian, wainhira Jezús moris iha Belem iha rai Judeia, ema matenek balun husi lorosa'e to'o ba Jerusalém no husu: Judeu sira nia liurai ne'ebé foin moris iha loos ne'ebé? Ami hare nia fitun iha loro-sa'e no ami mai tuku tur hanai ba Nia... Tama tiha uma laran, sira hare kiik oan ho Nia Inan Maria. Sira tuku tur ba rai hodi adora Nia. Loke tiha sira nia ai-balun, sira hasa'e ba Nia sira nia buat ksolok; osan mean, ai-ben morin no mina morin” (Mt 2,1.2.11).

- **Ita harohan ba Aman Maromak**, ne'ebé fó ba José priviléjiu atu introdús Jezús Maksoin iha mundu, no ita dehan ba Nia nu'udar kandidata/u sira ba moris rohan laek iha ninia Reinu: **Ami Aman...**
- **Ita harohan ba Maria**, haksolok, hamutuk ho José, atu haree nia Kosok-Oan Jezús simu onra, atu inan-aman sira bele sente onra nno reverénsia husi sira-nia oan hanesan S. José hetan husi Jezús (RC n.8): **Ave Maria (hananu)...**
- **Ita fó glória ba Maromak Trindade**, ne'ebé hakarak no fó José, nu'udar espozu ba Maria (kf RC 20), no ita dehan ho gratidaun: **Glória ba Padre...**

3. Ita kontempla S. José ne'ebé iha knaar onra nian atu prezide Jezús nia moris nu'udar ema.

“Halo tuir tiha buat hotu ne'ebé Na'i nia ukunfuan haruka, sira fila fali ba Galileia, ba sira nia sidade iha. Labarik oan mos sai boot ba daudaun no maka'as liu tan, hakonu ho matenek, no Maromak nia grasa hela hamutuk ho Nia no Nia halo tuir sira nia hakarak” (Lc 2, 39.40. 51).

- **Ita harohan ba Aman Maromak**, ne'ebé halo José na'in ba nia uma, no ita dehan ba Nia nu'udar kandidata/u sira ba moris rohan laek iha ninia Reinu: **Ami Aman...**
- **Ita harohan ba Maria** ne'ebé hetan tulun husi José nia fidelidade no ninia moris loos, atu devosaun ba S. José halo comunidade ekelziál hetan hikas fali identidade iha ámbitu planu redensaun nian (RC n.1): **Ave Maria 10...**
- **Ita fó glória ba Maromak Trindade**, ne'ebé haraik José ba Maria nu'udar ninia maluk moris nian (20), no ita dehan ho gratidaun: **Glória ba Padre...**

4. Ita kontempla S. José nu'udar patronu universál.

Pio IX, depoizde institui, iha 1847, festa Patrosíniu S. José nian, nia haklaken, iha 8 Dezembru 1870, S. José Patronu Universál Kreda nian “*ho finalidade atu hetan liuhusi ninia méritu no interseasaun, ho efikásia liután Maromak nia mizerikórdia, atu hadook aat sira ne'ebé hasusar Kreda*”.

- **Ita harohan ba Aman Maromak**, *ne'ebé halo atu José kolabora fielmente iha obra salvasaun*, ita dehan ba Nia nu'udar kandidata/u sira ba moris rohan laek iha ninia Reinu: **Ami Aman...**
- **Ita harohan ba Maria**, *Kreda nia inan hamutuk ho José patronu Kreda nian*, atu hanesan S. José, ita fiél to'o rohan ba Maromak nia bolun no korresponde la'ós ho liafuan no sentimentu mamuk, maibé ho hahalok moris nian (kf RC n.17): **Ave Maria (hananu)...**
- **Iita fó glória ba Maromak Trindade**, *ne'ebé hakarak José nu'udar sasin ba Maria nia virjindade no onestidade, ida-ne'ebé hakotu ona ba nia kaben* (20), no ita dehan ho gratidaun: **Glória ba Padre...**

5. Ita kontempla S. José patronu no modelu traballadór sira nian

Pio XII institui festa litúrjika S. José operáriu hodi fiksa loron ne'e iha 1 Maiu atu “*traballadór umilde Nazaré nian la'ós de'it lori iha Maromak nia oin no Kreda Santa nia oin traballadór nia dignidade, maibé mós sai mahein laran-di'ak ba traballadór no família sira*”.

- **Ita harohan ba Aman Maromak**, *ne'ebé konfia ba José nia liman badinas sira parte ida kriasaun nian*, ita dehan ba Nia nu'udar kandidata/u sira ba moris rohan laek iha ninia Reinu: **Ami Aman...**
- **Ita harohan ba Maria**, *traballadora iha uma-laran hamutuk ho José karpinteiru*, atu ema ida-idak, hanesan S. José, halo no husik atu Espíritu Santu hamoris ninia domin esponsál (RC n. 19): **Ave Maria 10...**
- **Ita fó glória ba Maromak Trindade**, *ne'ebé fó ba José atu partisipa, liuhusi paktu konjugál, iha Maria nia dignidade aas liu* (20), no ita harohan ho gratidaun: **Glória ba Padre...**

INVOKASAUN LADAIÑA NIAN:

S. José, mane justu (3), **harohan mai ami.**

S. José, atan fiél no prudente (8), **harohan mai ami.**

S. José, mane badinas serbisu (kf 22), **harohan mai ami.**

S. José, ezemplu nabilan vida interiór nian (27), **harohan mai ami.**

S. José, ezemplu nabilan virtude evanjélica loos nian kf 30). **harohan mai ami..**

S. José, modelu haraik-an sira-nian (24, **harohan mai ami.**

S. José, patronu Kreda Katólíka nian (28), **harohan mai ami.**

S. José, patronu Kreda ita-nia tempu nian (28), **harohan mai ami.**

S. José, Maria nia maluk moris nian (20), **harohan mai ami.**

S. José, sasin no mahein nia espoza nia virjindade no onestidade nian (20), **harohan mai ami.**